

## Silap pissusaa avatangiisillu pillugit politikki

Royal Greenlandimi sulisuusugut pinngortitaq avatatangiisillu akuuffigisavut eriagaavut. Avatangiisinut aallussa qarfigisatsinnut silallu pissusaata allanngoriartorneranut annertuumik sunniuteqarnerput akisussaaffeqarnerpullu miserratinngilarput. Tamatumani sunniuteqarnitsinnik aallussavut tunngavigalugit eqqumaffiginninnissarput aammalu akisussaassusilimmik nalitusaalluni periuseq tunngavigalugu pimoorussinitta politikimi matumani aalajangersarnissaa kissaatigaarput.

Nukimmik, imermik atortussanillu atuinerit aammalu aniatitsinerit avatangiisinut sunniuteqaratarsinnaanerata silap pissusaa avatangiisillu pillugit suliniuteqarnitsinni ukkataravut<sup>1</sup>.

Suliniuteqarnitsinni qitiusumik tunngavigisavut makkuupput:

- akuutissartalinnik atortussanillu atuinerit **annikiilisaaneq**
- atortussanik atoqqinneqarsinnaasunik **atoqqiineq**
- **pisuussutiniq patajaatsunik** atuineq

### Nukimmik atuineq aniatitsinerlu

Tunisassiorfiit inissisimaffii apeqqutaallutik Royal Greenlandi nukissiuutiniq ataavartunik ikummatissanillu nunap iluaneersunik atuisuuvoq. Kilisaatit avataasiutit nukimmik atuinerpaajullutillu CO<sub>2</sub>-mik aniatitsinerpaasarput. Orsussamik **Marine Gas Oilimik** tassa orsussanit allanit svovlikinnerusumik atuisuulereerpugut, tamannalu immap svovlimik akoqarpallaaleratarsinnaanerata annikinnerulerneranik kinguneqarpoq.

Nukimmik atuinerit aniatitsinermullu tunngatillugu anguniakkavut ukuupput:

- CO<sub>2</sub>-mik aniatitsinermik annikinnerulersitsineq
- ikummatissanik nunap iluaneersunik atuiunnaarnermiit nukissiuutiniq ataavartunik atuilerneq

### Aalisakkat, qaleruallit tunisassiallu sinnikui

Aalisakkat qaqortumik nerpillit nerpiinik tunisassiornermi sinnikoqartarpoq raajanillu tunisassiornermi raajat qalipakui immikkoortinneqartarlutik. Tunisassiat sinnikuusa ilai atorluarnerisigut soorlu raajat qalipaanik qajuusiornermut atornerqartarput. Avatangiisinut sunniisoqartarunnaarnissaa, tunisassiassanik maanngaannartitsisoqartarnerata annikillineqarnissaa nutaanillu tunisassiorqartalernissaa anguniarlugit tunisassiat sinnikuinik atuiluarnepput annertuserusupparput.

Aalisakkanut, qalerualinnut tunisassiallu sinnikuinut tunngatillugu anguniakkavut ukuupput:

- imikumik kuutsitsinikkut qalipakunik aalisakkallu sinnikuinik eqqaanermik annikillisaaneq



<sup>1</sup> Immap ataqatigiinneranut sunniinermut tunngatillugu Royal Greenlandip piuqartitsineq tunngavigalugu aalisarneq pillugu politikki atuaruk.

- tunisassiat sinnikuinik naggorissaatissanik, nerukkaatissanik inuussutissanilluunniit tunisassiornermi atuilluarneq

### **Imeq imikorlu**

Tunisassiorfiit ilai imermik killilimmik pilersorneqartarput. Iermik tatsimeersumik, kuummeersumik, puilasuliameersumik immameersumilluunniit pilersorneqartarput. Tunisassiorfiit ataasiakkaat imermik tarajuiakkamik pilersorneqartarput, tamannalu nukimmik annertuumik atuiffiusarpoq, tamatumanilu imermik immameersumik toqqaannartumik atuilluarneq periarfissatut allatut toqqassallugu piukkunnarpoq.

Sumiiffinni atortulersuutit apeqqutaallutik imikup atoqqinneqarnissaanut assigiinngitsunik sorujuaariaaseqartoqartarpoq. Imikoq immamut kuutsinneqartartoq tunisassianik amiakkoqartorujussuusartillugu tunisassiallu amiakkuinik katersinissamut atoqqiinissamullu periarfissaqartillugu immikkoortitseriaatsinik atorluaariaatsinillu nutaanik pitsassuarnik ineriartortitsisoqarsinnaavoq.

Iermut imikumullu tunngatillugu anguniakkavut ukuupput:

- tunisassiornermi imermik tunisassiallu sinnikuinik piaartumik immikkoortiterineq
- proteininik orsumillu tunisassiornermi imikumi immikkoortiterineq
- imermik immameersumik tunisassiornermi atuineq

### **Plastikkitt, pappialarsuit ninngusuut, pappialat eqqagassallu allat**

Atortut soorlu kaarit, karsit qassutillu aalisarnermi tunisassiornermilu aserfallattarput. Atortut atorneqareeraangata nutaanik tunisassiornermi atoqqinneqartarnissaat anguniarlugu atoqqisarnerup tungaatigut annertusaarusuppugut.

Taamatuttaaq atortut atoqqinneqarsinnaanngitsut soorlu plastikkimerngit avatangiisinut immamullu mingutsitsinissaat ingalassimaniarlugu eqqagassaativut akisussaaffigerusuppavut.

Plastikkinit, pappialarsuarnut ninngusuunut, pappialanut eqqagassanullu allanut tunngatillugu anguniakkavut ukuupput:

- tunisassiornermi pitsanngorsaannikkut iluarsaannikkullu eqqagassanik annikillisaaneq
- atortussanik atoqqinneqarsinnaasunik atoqqiineq
- pappialarsuarnik ninngusuunik pappialanillu FCS-imit akuerisanik atuineq

### **Aqutsisunik sulisunillu peqataatitsineq**


Sulisut ataasiakkaat iliuuseqaqataanermikkut sunniuteqarsinnaasarmata Royal Greenlandimi sulisut tamarmik avatangiisinik eriaginninnissaminut akisussaaffeqarput.

Sulisut najukkani ataasiakkaani silap pissusaa avatangiisillu pillugit paasissutissiiviginerisigut oqaloqatiginerisigullu peqataatinneqassapput, tamatumanilu anguniakkat aallussallu tunngavigalugit pitsanngorsaannerup tungaatigut annertusaanerit pissapput.

Nukimmik atuinerit aniatitsinerillu avatangiisinut sunniutaannik uuttuinikkut ataavartumik naliliisoqartarnissaa naliliinerillu tunngavigalugit suliniutinik nutaanik pilersitsinissamut anguniakkanik ukiut tamaasa aalajangersaasoqartarnissaa aqutsisunit akisussaaffigineqarpoq.

Silap pissusaa avatangiisillu pillugit politikki suliffeqarfissuarmut Royal Greenlandimut tamarmut atuuppoq.

Nuuk, ulloq / 2019



Pisortaaq,  
Mikael Thinghuus



Aningaasaqarnermut pisortaq,  
Nils Duus Kinnerup



Suliffeqarfissuarmi tunisassiornermut pisortaq,  
Lars Nielsen



Suliffeqarfissuarmi tuniniaanermut pisortaq,  
Bruno Olesen